

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 494485 25 St
Tuzla, 18.11.2025. godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „TIHA“ privredno društvo za unutrašnju i spoljnu trgovinu i usluge d.o.o. Gračanica, ul. Adema Alića br. 1, dana 18.11.2025. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „TIHA“ privredno društvo za unutrašnju i spoljnu trgovinu i usluge d.o.o. Gračanica, ul. Adema Alića br. 1.

Za privremenog stečajnog upravnika imenuje Emir Mehurić iz Gračanice, ul. Branilaca Kule grada b.b.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gračanici i Službi za geodetske i imovinsko-pravne poslove Grada Gračanica, radi upisa zabilježbe otvaranja prethodnog postupka.

Obrazloženje

„TIHA“ privredno društvo za unutrašnju i spoljnu trgovinu i usluge d.o.o. Gračanica, ul. Adema Alića br. 1, kao dužnik podnio je dana 29.09.2025. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 04.11.2025. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač je dana 17.11.2025. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to; rješenje o izmjenama podataka od 23.04.2015. godine, dostava podataka registra ovog suda od 10.09.2025. godine, rješenje kojim se utvrđuje prestanak upisa društva u registar od 27.06.2016. godine, obrazac JS3100 prijava/promjena/odjava osiguranja od 03.02.2017. godine, uvjerenje PU F BiH KPU Tuzla, PI Gračanica od 16.09.2025. godine, uvjerenje UIO BH od 09.09.2025. godine, izvještaj iz jedinstvenog registra računa od 08.09.2025. godine, bilans stanja na dan 31.12.2024. godine, bilans uspjeha za period od 01.01.-31.12.2024. godine, posebni podaci o plaćama i broju zaposlenih od 01.01.-31.12.2024. godine, aneks-dodatni računovodstveni izvještaj za privredna društva od 01.01.-31.12.2024. godine, godišnji izvještaj o investicijama za 2024. godinu, obračun članarine od 01.01.-31.12.2024. godine, obračun naknade za korištenje zaštite i unapređenje šuma za period 01.01.-31.12.2024. godine, izvještaj o obračunima i uplaćenim vodnim naknadama za period 01.01.-31.12.2024. godine, izvještaj o obračunatim i uplaćenim posebnom porezu za zaštitu od prirodnih i drugih nesreća 20.02.2025. godine, obavijest o razvrstavanju za period 01.01.-31.12.2024. godine, izjava o primjenjenom standardu finansijskog izvještaja 20.02.2025. godine, odluka o prijedlogu za pokriće gubitka za period 01.01.-31.12.2024. godine, odluka o utvrđivanju finansijskog izvještaja za period 01.01.-31.12.2024. godine, bilješke uz finansijske izvještaje za period 01.01.-31.12.2024. godine i uplate predujma od 3.000,00 KM, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 04.11.2025. godine, zastupnik izjavi da je društvo prestalo sa radom 2016. godine, a pružalo je ugostiteljske usluge kao kafić. Djelatnost je obavljana u prostoru koji je bio lično vlasništvo njegovog oca, tako da društvo nema nepokretne, pokretne niti bilo kakve druge imovine. Društvo je zapalo u finansijske poteškoće jer nije ostvarivalo dovoljno prihoda. Nije bilo radnika osim njega i u određenom periodu njegove supruge. Osim duga koji je iskazala PU F BiH društvo nije ostalo dužno dobavljačima niti bilo kome drugom. U sudskom registru je konstatovan prestanak za ovo društvo u 2016. godini a kada je i faktički prestalo sa radom a bez obzira na navedeno on je i nakon toga uredno podnosio finansijske izvještaje.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospelja u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.